

Ф.: Стажты садып ап болур. Сектор: Соцполитики. Дата: 20.12.2018г.

перевод: Эргөп Стр.:160. Зам.ред.:_____ . Гл.ред.:_____ .

Стажты садып ап болур

Ниити тургускан пенсия назы-хары-бile хөрээжэн кижилер 60, а эр улус – 65 харлында кыраанының камгалалдыг пенсиязынче үнерде, ыяап- биле тодаргай үүш-ажыл стажы хөрек. Ынчалза-даа хөрек кырында чамдык улус чогуур стажын ажылдап албаан болур. Шак бо айтырыгны шиитпирлеп алрынга эки медээ – «Россия Федерациязында албан пенсия камгаладылгазының дугайында» хоийлуже өскерилгэ кииргени-бile 2019 чылдың январь 1-ден келир үедеги пенсиязынче эки-тура дадывырның хемчээлин эвээжеткени. Ол дээргэ стаж болгаш пенсия баллдарын чиикке садып ап болуру-дур!

Амгы үеде бир чылдың дадывырын **2 МРОТ x 26% x 12** деп формула- биле санап турар. Акша-бile алрыга ол бүдүн чылда 59 мун ажыг рубль-дир. Бо хире акша-бile стаж садып алышаар кижилер көнгүс эвээш. Ынчангаш күрүне оон чадазын кудуладыр дээн: 2019 чылдың январь 1-ден ийи МРОТ эвес, а чүгле **чангыс** МРОТ-ту санаашкынга алыр деп шиитпирлээн. Ынчап келиргэ, ол **35 мун** рубль апаар. Бо хире акшаны Пенсия фондузунга төлээш, кижи 2 баллды болгаш бир чылдың стажын алыр.

«Бүдүү» ажылдап чораан чамдык кижилер пенсиялаар үези чедип кээрge, стажы-даа, баллы-даа четпес боорга, камгалалдыг пенсия алыр аргазы чок болур. Ындыг улус «хөлөгеден» үнүп, стажын садып алгаш, пенсия алыр эргезин чедип алтын хоийлууда көрген. Чагаа хавынга акша ап турган база бот-хуузунда ажылдыг улус ынчалдыр садып ап болур.

Амгы хоийлу-бile баллдарны кижи боду дээш база өске кижи дээш садып алыр аргалыг. Чижээ, сагыш човангыр ашаа ажылдавайн олуурар кадайының келир үедеги пенсиязы дээш камгаладылга дадывырларын төлөп болур.

Ол ышкаш стажты чүгле Россия хамаатылары эвес, өске-даа хамаатылар садып ап болуру көрдүнген. Албан пенсия камгаладылгазынче эки-тура-бile кирип, камгаладылга дадывырларын боттары төлөп болур улус:

- Россия девискээринден дашкаар ажылдап турар РФ-тиң хамаатылары;
- Россия девискээринде доктаамал азы түр када чурттап турар даштыкылар;
- Ажыл берикчилигі камгаладылға дадывыры киирбейн турар өске кижи дээш дадывырларын боттары төлээр улус.

Ниити үндезинге кырааны дээш пенсия тыпсырынга херек стажтың чартыындан көвей эвес камгаладылға стажын садып ап болур. Ол дээргэ 5 чылдың стажын садып алыр дээни-дир. Маңаа 2015 чылдың январь 1-ден пенсия санаашкынын **«чаа пенсия формулазын»** езугаар чорудар апарганын сагындыраалы. Чаа формуланы киирген ужуру чүдел дээргэ, 2015 чылга чедир хоойлу-бile кижиниң ажылдап каан стажы ооң пенсиязының хемчээлинге шоолуг салдар чедирбес турган. Ол чөптүг эвес дээрзи билдингир. Ынчангаш 2019 чылдан чогуур стаж 10 чылдан эвээш эвес (2024 чылдан – 15 чыл апаар) база чогуур пенсия баллдары херек (2019 чылда 16,2 балл, шилчилгелиг байдалдар езугаар 2025 чылдан 30 балл херек). Азы стажы улуг болган тудум, пенсиязының хемчээли база улуг болур.

Билип алры чугула! Чүгле камгаладылгалыг стажты садып ап болур. **Сонгу чүк стажын садып алры болдумас!** Тываның чурттакчыларынга кырааны дээш хуусаадан эрте камгалалдыг пенсия тыпсырынга камгаладылгалыг стаж болгаш сонгу чүк стажы **катаи-хаара херек!**

Амгы күштүг пенсия хоойлузун езугаар камгаладылгалыг стаж болгаш пенсия баллдарының санынга негелделер улгадып турар. Бөгүн ниити үндезинге кырааны дээш эвээш дизе 9 чыл стажтыг болгаш 13,8 пенсия баллдыг болур ужурлуг. А 2019 чылдың январь 1-ден – **10 чыл** камгалалдыг стажтыг болгаш **16,2 пенсия баллдыг** улус пенсия алыр эргелиг. Бир эвес стажы болгаш баллдары четпес болза, пенсия алыр үези сонгаарлай бээр. Ону пенсия назынының соонда 5 чыл иштинде чедип албас болза, кырааны дээш камгалалдыг пенсия эвес, а хөрээжненер 65, эр улус 70 хар чедергэ, кырааны дээш социал пенсия тыпсыр.

Чугула чүүл! Бо чылын кижи бодунун пенсия агар санынче кайы хире дадывыр шилчидерин боду билир (2018 чылда – 59211 рубль, 2019 чылда – 35193 рубль). Ол ышкаш акшаны канчаар шилчидерин: хары угда бе, үзүктеп

бе, азы ай санында бе дээрзин кижи боду шиитпирлээр. Шупту төлөттинген дадывырлар Пенсия фондузунда кижиниң хуу агар санынга демдеглеттинер. Киирген дадывырларны ону төлээн хүнүндөн эгелеп санаар. Чижээ, кижи эки-тура-бile камгаладылга дадывыры киирер дугайында билдиришишкинни 01.10.2018 ч. бижээн болза, чыл төнчүзүнгө чедир 3 айның төлевир түнү мындыг болур: 59211,36 руб. / 12 ай * 3 ай = 14802,84 рубль. Азы садып аптуар камгалалдыг стажы келир үедеги пенсиязынче эки-тура дадывырлар киирген хүнүндөн эгелеп санаттынар дээни ол.

Стаж садып алырда чүнү канчаарыл? Бо таварылгада чурттап туарар черинде РПФ-тиң девискээр органынга паспорттуг болгаш СНИЛС-тиг чедип келир. Камгаладылга дадывырларын чыл санында декабрь 31-гэ чедир киирер ужурлуг. Ону хары угда, үзүктеп, айлап төлөп болур.

Тывада албан пенсия камгаладылгазынче эки-тура-бile 2 кижи кирип алган. Бирээзиниң пенсия үнеринге чедир ам-даа 9 чыл бар, 10 чыл 3 ай стажтыг. Ажылдавайн туарар. Стажын дадывырлар төлелгези-бile улгаттырып алыр деп шиитпирлээн.

**Россияның Пенсия фондузунун
Тыва Республикада салбыры.**